

LEE KUAN YEW

PENGHARGAAN PADA SEORANG IKON NEGARA



SEDIH DAN PILU: Ratusan orang beratur panjang di luar Istana semalam bagi merakamkan ucapan takziah kepada Perdana Menteri Lee Hsien Loong atas pemergian bapanya semalam.

Hari ini

Rabu, 25 Mac hingga Sabtu, 28 Mac

Ahad, 29 Mac

Perkabungan keluarga secara privat di Sri Temasek.

PENGHORMATAN UNTUK MENDIANG: Presiden Tony Tan dan isterinya, Cik Mary Tan, memberi penghormatan kepada mendiang Encik Lee Kuan Yew di Sri Temasek semalam. Perdana Menteri Lee Hsien Loong dan isterinya, Cik Ho Ching, menyambut tamu yang datang ke Sri Temasek



Jenazah Encik Lee Kuan Yew akan berada di Bangunan Parlimen bagi orang ramai memberi penghormatan. Mereka yang ingin memberi penghormatan terakhir di Bangunan Parlimen boleh melakukan demikian dari 10 pagi hingga 8 malam setiap hari dari Rabu hingga Sabtu ini.



Upacara pengebumian jenazah negara akan diadakan di Pusat Budaya Universiti, Universiti Nasional Singapura (NUS), pada 2 petang. Upacara tersebut akan dihadiri keluarga, rakan dan kakitangan mendiang Encik Lee Kuan Yew, Presiden, Menteri Kabinet, Anggota Parlimen, para pemimpin lama, pegawai perkhidmatan awam kanan, pemimpin akar umbi dan warga Singapura. Upacara itu akan diikuti dengan pembakaran jenazah secara privat di Krematorium Mandai.

PENGHORMATAN DI LOKASI MASYARAKAT

Orang ramai juga boleh memberi penghormatan terakhir di 18 lokasi masyarakat yang disediakan di serata Singapura. Enam lokasi masyarakat pertama GRC Tanjong Pagar, GRC Ang Mo Kio, GRC East Coast, GRC Chua Chu Kang, GRC Jurong dan GRC Tampines akan siap untuk orang ramai memperingati Encik Lee Kuan Yew bermula 10 pagi hari ini (24 Mac).

Ia terletak di Kelab Masyarakat Tanjong Pagar; pentas utama Ang Mo Kio di Pusat Bandar Ang Mo Kio; ruang terbuka di depan Blok 209 New Upper Changi Road di Pusat Bandar Bedok; Tampines Community Plaza di hadapan Tampines One Mall; di gelanggang bersebelahan Stesen MRT Choa Chu Kang; dan Canopy @ J Link bersebelahan JCube dan Perpustakaan Daerah Jurong. Lagi 12 lokasi masyarakat akan disiapkan bagi orang awam memberi penghormatan terakhir mereka mulai 10 pagi, esok.

Lokasi masyarakat ini akan beroperasi setiap hari dari 10 pagi hingga 8 malam sehingga 29 Mac iaitu hari upacara pengebumian negara. Orang awam boleh melawat lokasi ini bagi menyaksikan tayangan secara langsung upacara pengebumian negara itu pada 29 Mac.



UCAPAN TAKZIAH: Orang ramai meninggalkan ucapan dan bunga di luar Istana semalam sebagai penghormatan kepada mendiang Encik Lee Kuan Yew.

DI PARLIMEN DAN ISTANA

Papan takziah bagi merakamkan ucapan akan disediakan di hadapan Istana di pagar utama hingga Ahad ini bagi mereka yang ingin merakamkan penghormatan kepada mendiang Encik Lee. Papan yang sama juga akan

diletakkan di Dewan Parlimen hingga Ahad ini. Mereka yang ingin meletakkan bunga boleh melakukannya di dua lokasi itu. Buku takziah juga akan dibuka di semua Pejabat Misi Singapura bagi warga Singapura dan rakan-rakan di luar negara.

DI DALAM TALIAN

Orang ramai boleh melahirkan takziah dan mengongsi kenangan mereka mengenai mendiang Encik Lee di laman rasmi:

<http://www.rememberingleekuanysg>




MENINGATI LEE KUAN YEW: Laman Facebook 'Remembering Lee Kuan Yew' ini menerima lebih 131,000 'likes' sekitar 7.30 malam, di mana orang ramai meninggalkan ucapan dan salam takziah.

Penutupan jalan raya semasa tempoh memberi penghormatan terakhir di Bangunan Parlimen

JENAZAH mendiang Perdana Menteri Pengasas Lee Kuan Yew akan diletakkan di Bangunan Parlimen dari esok hingga Sabtu, dari 10 pagi hingga 8 malam, bagi orang ramai memberi penghormatan terakhir.

Beberapa jalan raya akan ditutup sepanjang tempoh itu dan pada hari Upacara Pengebumian Negara pada Ahad ini, menurut Polis Trafik dalam satu kenyataan semalam.

- Lorong paling kiri Fullerton Road (antara Empress Place dan Parliament Place), dari 8.30 pagi semalam hingga 6 pagi esok
- Lorong paling kiri Saint Andrew's Road (antara Parliament Place dan Coleman Street), dari 1 petang semalam hingga 6 pagi esok
- Parliament Place (antara Supreme Court Lane dan Saint Andrew's Road), dari 1 petang semalam hingga 2 petang Ahad ini
- Lorong paling kanan Parliament Place (antara North Bridge Road dan Supreme Court Lane), dari 7 pagi ini hingga 2 petang Ahad
- Connaught Drive, dari 12.01 tengah malam esok hingga 2 petang Ahad
- Fullerton Road (antara Esplanade Drive dan Parliament Place), dan Saint Andrew's Road (antara Parliament Place dan Coleman Street), dari 6 pagi esok hingga 2 petang Ahad.
- Lorong paling kiri North Bridge Road (antara Parliament Place dan Bangunan Parlimen dari 8 pagi hingga 8 malam setiap hari dari esok hingga Ahad
- Trafik boleh dijangka perlahan di sekitar Bangunan Parlimen, misalnya sepanjang Hill Street, High Street dan North Bridge Road.



Orang ramai yang ingin ke Bangunan Parlimen dinasihatkan supaya menggunakan pengangkutan awam.

Tempat letak kereta di Bangunan Parlimen akan ditutup pada lalulintas sepanjang tempoh tersebut. Hanya kenderaan berlabel dibenar memasuki tempat letak kereta itu.

Bagi pertanyaan mengenai upacara penghormatan terakhir dan perarakan, sila hubungi hotline 6336-1166.

Penutup jalan raya bagi pergerakan Pedati Meriam dari Istana ke Bangunan Parlimen

KERANDA mendiang Perdana Menteri Pengasas Lee Kuan Yew akan diletak di atas pedati meriam, yang akan bergerak meninggalkan Istana menuju Bangunan Parlimen pada Ahad ini pada 9 pagi.

Jalan-jalan raya berikut akan ditutup bagi memudahkan pergerakan itu dari 8.45 pagi hingga 9.30 pagi, menurut Polis Trafik dalam satu kenyataan semalam:

- Orchard Road (antara Buyong Road dan Selegie Road);
- Bras Basah Road (antara Selegie Road dan North Bridge Road); dan
- North Bridge Road (antara Bras Basah Road dan North Boat Quay)

Pemandu boleh menjangka kelewatan trafik di sepanjang jalan-jalan raya tersebut, dan pegawai polis serta Pegawai Polis Tambahan akan dikerahkan mengarahkan lalulintas.

Pemandu juga diingatkan supaya jangan meletak kenderaan secara terlarang di sepanjang jalan tersebut memandangkan kenderaan yang diletak secara terlarang akan ditarik pergi.

Bagi pertanyaan mengenai upacara penghormatan terakhir dan perarakan, sila hubungi hotline 6336-1166.